

Visoki predstavnik Schmidt se sastao sa austrijskim i talijanskim ministrima vanjskih poslova Schallenbergom i Tajanijem



Visoki predstavnik Christian Schmidt je danas u OHR-u bio domaćin austrijskom saveznom ministru za evropske i međunarodne poslove, Alexanderu Schallenbergu, i njegovom talijanskom kolegi, ministru vanjskih poslova i međunarodne saradnje, Antoniju Tajaniju, koji se nalaze u zajedničkoj posjeti BiH. Sastanak je bio dobra prilika za razmjenu mišljenja o aktuelnim političkim dešavanjima u Bosni i Hercegovini i regionu Zapadnog Balkana, s naglaskom na evropske aspiracije BiH u svjetlu kandidatskog statusa koji je BiH dobila za članstvo u EU.

“Odluka Vijeća EU da dodijeli kandidatski status za članstvo u EU Bosni i Hercegovini bila je prijeko potreban poticaj za stabilnost i napredak Bosne i Hercegovine i dobar odgovor na trenutne geopolitičke izazove”, istakao je visoki predstavnik Christian Schmidt i izrazio svoja očekivanja prema domaćim akterima “da iskoriste postignuti zamah i to na najbolji mogući način. Evropska unija je još jednom potvrdila svoju opredijeljenost i posvećenost. Šira međunarodna zajednica od vodećih političkih aktera Bosne i Hercegovine ne očekuje ništa manje nego potpuni angažman i opredijeljenost za proces

pristupanja EU.”

Visoki predstavnik Schmidt je izrazio svoju zahvalnost ministrima Schallenbergu i Tajaniju na kontinuiranoj podršci njihovih zemalja razvoju Bosne i Hercegovine. Također je iskoristio priliku da zahvali na podršci koju Austrija i Italija pružaju Uredu visokog predstavnika i mandatu visokog predstavnika u skladu s Daytonskim mirovnim sporazumom.